



OPĆINA TEŠANJ

T: +387 32 650 547,
+387 32 650 220;
F: +387 32 650 547

www.opcina-tesanj.ba,
e-mail: optesanj@bih.net.ba



268 DANA OPSADE

24.06.1993.
18.03.1994.

juni 2013.

eBilten

Općina Tešanj
Općinski načelnik

“... svi odveć boluju
od gubitka osjećanja vremena
ostalo nam je samo mjesto
vezanost za mjesto
još držimo ruševine hramova
privedenja vrtova i kuća
ako izgubimo ruševine neće
preostati ništa ...

Zbigniew Herbert

Gdje je pravda?!

Gdje je pravda? U Hagu, u Strazburu, kod Ustavnog ili drugog suda u Bosni i Hercegovini?



Čini mi se da smo u zadnje vrijeme sve više iznenađeni, zbunjeni, razočarani i ljuti načinom donošenja presuda. Tuže i sude mnoge. Predsjednika Federacije, pa osim što ne znamo je li kriv, skoro da ne znamo ni treba li biti u pritvoru ili na slobodi. Jedan dan ovako, drugi onako. Tuže i sude optuženike u Hagu, pa nakon svega, izriču se presude koje su nam često iznenađenje ili razočarenje. Kod najvažnijih slučajeva optuženi umru, a da ne dočekaju kraj suđenja.

Unutrašnji osjećaj za pravdu i pravednost koji nosi većina Bosanaca i Hercegovaca uglavnom je u zadnje vrijeme doveden u konfuziju. Ko je agresor? Ko je zločinac? Ko je kriminalac? Prodeverali smo svašta na svojim leđima, i vidjeli i čuli mnogo. Mnogo za jednu generaciju i jedan život. Imamo „svoj sud“ utemeljen na patnji i bolu, na progonu i mučenju, na agresiji i genocidu. Očekujemo da to neko vidi i zna, da to neko dokaže i prizna.

Sve češće se sjetim priče o Nasrudinu koji je presuđivao u jednom sporu, u kojem su dva čovjeka bila potpuno suprotnih stavova. Pa je rekao prvom da je u pravu, a onda se i drugom okrenuo i rekao da je i on u pravu. Na to je treći prisutni rekao da ne mogu obojica biti u pravu. Nasrudin je imao odgovor i za njega. I ti si u pravu!!

E i ja želim biti u pravu, pa ću reći da očekujem više pravde od pravosuđa svih nivoa. Očekujem i tražim da vodilja Sudu bude ideal pravde, a ne politika. Nadam se većoj profesionalnosti, a manjoj

zbunjenosti i podložnosti onih koji sude.

Gledajući našu stvarnost zadnjih mjeseci, izgleda da su svi u pravu, a malo ih je ili su pogrešni u zatvoru!? Svi su u pravu, ali pravda stanuje na nekom drugom mjestu, drugoj državi ili kontinentu, na drugoj planeti, u drugom svijetu.

Biti vjernik u ovakvim trenutcima mnogo olakšava, jer vjerovati da postoji „Dan susreta“, u kojem će svima biti pravedno suđeno, nada je. Dočekat ćemo to, ali želimo i više ovodunjalučke pravde i pravednosti.



Ekološki incident ili katastrofa

Nalazi vode potvrdili početnu sumnju.
Zagađenje Usore nije uticalo na kvalitet vode u vodovodnom sistemu.



Sredinom maja, tačnije 18. i 20. maja, desila se strašna stvar. Iz Teslića nam je stiglo strašno zagađenje koje je prouzrokovalo pomor ribe (i svega živog, žaba, zmija...biljaka) i vrlo teške posljedice po biljni i životinjski svijet u Usori. U tim trenutcima mogli smo se baviti samo posljedicama ispriječiti dalje ugrožavanje života ljudi i životinja. Brzo smo poduzeli potrebne mjere:

- na teren su izašli općinski inspektori
- Pozvano je Komunalno preduzeće Rad (radi uzimanja uzorka vode za analizu i otkrivanje uzroka trovanja ribe),
- Pozvani su Kantonalni i Federalni inspektor. Kantonalni inspektor je u toku dana izašao na lice mjesta
- Pozvana je Agencija slivovi rijeke Save, koja ima i direktne nadležnosti nad upravljanjem rijekom Usorom. Usaglašene aktivnosti oko analize

zagađenja

- Civilna zaštita je sagledala trenutne okolnosti, uputila javno saopćenje za građanstvo da ne koristi vodu iz Usore, za pranje, te usmjerila Komunalno preduzeće na pojačanu kontrolu kvaliteta vode sa izvorišta u blizini Usore.

Putem Pravobranilaštva upućena je krivična prijava protiv odgovornih osoba, a u pripremi je Tužba za pričinjenu štetu.

Putem civilne zaštite, a uz angažman ribarskih udruženja prikupljena je uginula riba uz obale Usore (više od 2,5 tona) i uz pomoć HES-a izvršena dezinfekcija priobalja Usore.

Pojačana je kontrola kvaliteta vode u vodoizvorištima (bunarima), a i u rijeci Usori.

U srijedu, 29. maja, dobili smo konačne nalaze uzorka zagađene vode. Uzrok pomora ribe bila je 809 puta veća koncentracija fenola i više od 40 puta veća koncentracija mangana.

Nakon sagledavanja raspoloživih dokaza i činjenica potvrdila se početna sumnja da odgovornost za incident ima Destilacija Teslić. Putem Pravobranilaštva upućena je krivična prijava protiv odgovornih osoba, a u pripremi je Tužba za pričinjenu štetu.

Dobra strana priče je to da zagađenje nije uticalo na kvalitet vode u vodovodima. Sve analize su pokazale da je voda ispravna za piće.

Općina Tešanj je u sistemu vodosnabdijevanja snažno oslonjena na šire korito rijeke Usore. Ne možemo čekati da samo inspekcijski organi zaštite tok rijeke Usore, moramo poduzeti sve što se može da rijeku i vodoizvorišta očuvamo za budućnost. Osim svega onoga

što može i moraju raditi općina i sve druge institucije na zaštiti Usore, ostaje i naša pojedinačna odgovornost i obaveza. Popijmo kahvu sa sobom i razmislimo šta još možemo uraditi za prirodu oko sebe.

BLIC VIJESTI - MAJ



Delegacija turske regije Kutahya na čelu sa Muftijom Mustafa Üsküplü, povodom 7. maja - Dana džamija, posjetila je općinu Tešanj. Goste su u Eminagića konaku primili Predsjedavajući Općinskog vijeća Fuad Šišić i Općinski načelnik Suad Huskić. Inače, Općina Tešanj i turska regija Kutahya sarađuju još od od 1996. godine kada je počela gradnja džamije Kutahya u Tešnju. Domaćin ove posjete je Medžlis Islamske zajednice Tešanj.



U četvrtak, 16. maja u Uredu Općine Tešanj u Jelahu potpisana su dva ugovora u vezi rekonstrukcije i semaforizacije raskrsnice (R474 i M4) u Jelahu. Ugovor o izgradnji priključka na magistralnu cestu sa regionalne ceste i djelomičnu rekonstrukciju postojeće raskrsnice u Jelahu su potpisali Ministarstvo za prostorno uređenje, promet i komunikacije i zaštitu okoliša, JP Ceste Federacije BiH, Općina Tešanj i izvođač radova, Privredno društvo GTPD Porobić d.o.o. Zavidovići. Vrijednost Ugovora je 302.941,97 KM sa PDV-om, od toga učešće JP Ceste FBiH je 34,66%, Općine Tešanj 16,50% i Kantonalne direkcije cesta 48,84%. Drugi Ugovor je o semaforizaciji dvije raskrsnice cesta M4 i R474 u Jelahu Izvođač radova je Privredno društvo STEP d.d. Sarajevo. Vrijednost ovog ugovora je 111.329,13 KM sa PDV-om.



javni poziv
za najbolje
poslovne
ideje
za mlade

Tvoja IDEJA!
Tvoj BIZNIS!
PRIJAVI SE!

Detaljne informacije na:
telefon 032/650-022
mirnes.dedukic@opcina-tesanj.ba
www.opcina-tesanj.ba

Javni poziv je otvoren
od 01. aprila 2013. godine,
a prijem aplikacija će
se vršiti od 15. maja
do 29. juna 2013. godine.

IDEJA!
BIZNIS PLAN
PODRŠKA OPĆINE
VLASTITI BIZNIS

Općina Tešanj je i ove godine nastavila projekat podrške mladima za realizaciju vlastitih poslovnih ideja. Do sada je na ovaj način u prethodnim godinama registrovano 9 poslovnih subjekata i zaposleno 12 mladih osoba. Javni poziv za podnošenje aplikacija na javni poziv za Najbolje poslovne ideje za mlade je otvoren. Svi zainteresovani, aplikaciju na Javni poziv mogu podnijeti do 29. juna 2013. godine. Javni poziv možete pogledati na web stranici općine:

www.opcina-tesanj.ba

Osim toga, otvoren je i Poziv za izbor najljepše uređenog dvorišta i poslovnog okruženja u 2013. godini. I o tome više informacija na općinskoj web stranici.

BLIC VIJESTI - MAJ



Radovi na uređenju infrastrukture se nastavljaju. U toku je sanacija velikog broja sportskih terena na prostoru općine, sanacija makadamskih puteva, postavljanje horizontalne signalizacije. Postupak javne nabavke za gradnju dječijih igrališta, autobuskih nadstrešnica, zamjenu zaštitnih ograda je u toku.



Na 8. sjednici Općinskog vijeća Tešanj, razmatrana je Informacija o radu preduzeća kojima je općina osnivač (KP Rad, Toplana, Tešanjaska razvojna agencija). Donesena je odluka o podršci projektu gradnje toplovođa u dijelu Stare čaršije Tešanj. Osim toga razmatrane su Informacije o zaštiti od požara u 2012. godini, o realizaciji projekta WATSAN (gradnja kanalizacionog sistema).



U petak 31. maja u sjedištu delegacije Evropske unije u Sarajevu, potpisan je Memorandum o saradnji, kojim je potvrđen odabir općine Tešanj za projekat LOD 3. U konkurenciji 29 općina Tešanj je izborio mjesto među četiri najuspješnije. Projektom se iz sredstava EU u iznosu od 100.000 KM omogućuje realizacija projekata udruženja građana primjenom LOD metodologije. Veliko priznanje i velika prilika za općinu Tešanj!

NAJAVE

- 4. juna, svečano će biti obilježeno učlanjenje Udruženja privrednika Tešanj-Jelah u Asocijaciju poslodavaca FBiH.
- 7. juna bit će održana sjednica Dječijeg parlamenta. Bit će predstavljeni projekti koji će biti realizirani u 2013. godini.
- Do 15. juna se očekuje potpisivanje Ugovora o utrošku sredstava vodnih naknada, između općine Tešanj i Ministarstva za poljoprivredu, vodoprivredu i šumarstvo ZDK.
- Otvoren je Javni poziv za stipendiranje studenata od Ministarstva obrazovanja Zeničko-dobojskog kantona. Više informacija na općinskoj web stranici.
- Ugovori za izvođenje radova po Listi kapitalnih ulaganja za 2013. godinu su u velikom dijelu pred potpisivanje.

POVODOM 268 DANA “NAŠE” OPSADE

24. juna ove godine tačno je 20 godina od početka vojne opsade općina Tešanj i Maglaj. Najteže vrijeme naše bliže historije. U pripremi je Program obilježavanja ove godišnjice /općine Tešanj i Maglaj i boračke organizacije/.

Izvještaj iz opsjednutog grada /Zbigniew Herbert/

Previše sam star da bih nosio oružje kao drugi –
određena mi je milost posljednja uloga hroničara
zapisujem
ne zna se za koga
historiju opsade
treba da budem tačan
ali ne znam kad je počela najezda
prije dvjesta godina
u decembru
septembru
možda jučer u osvit

svi odveć boluju od gubitka osjećanja vremena
ostalo nam je samo mjesto vezanost za mjesto
još držimo ruševine hramova
privedenja vrtova i kuća
ako izgubimo ruševine neće preostati ništa

pišem onako kako mogu
u ritmu beskrajnih sedmica
ponedjeljak:
prodavnice prazne
prometna jedinica postao je pacov
utorak: gradonačelnika ubili neznani izazivači
srijeda: razgovori o primirju
neprijatelj internirao poslanike
ne znamo njihova mjesta boravka to znači mjesta pogubljenja
četvrtak: poslije burnog sastanka odbačen većinom glasova
prijedlog trgovaca začinima za безусловnu kapitulaciju
petak: početak kuge
subota: izvršio samoubistvo N.N. nesalomljivi branitelj
nedjelja: nema vode odbili smo napad na istočnu kapiju zvanu Kapija Saveza
znam monotono je sve to nikog neće moći da uzbuđi
izbjegavam komentare osjećanja držim na uzdi
pišem o činjenicama kažu da samo njih cijene na stranim tržištima
ali s izvjesnim ponosom želim da javim svijetu da smo zahvaljujući ratu
odgajili novu vrstu djece
naša djeca ne vole bajke
igraju se ubijanja na javi i u snu
sanjaju o supi hljebu i kosti
baš kao psi i mačke

uvečer volim da lutam po krajnjim dijelovima Grada
duž granica naše nesigurne slobode
gledam odozgo na bezbrojnu vojsku na njene vatre
slušam hučno bubnjanje i barbarsku vrisku
zaista je neshvatljivo što se Grad još brani
opsada traje dugo

neprijatelji moraju da se smjenjuju
ništa ih ne vezuje sem želje da nas unište
Goti Tataři Švedi Carevi odredi pukovi
Preobraženja Gospodnjeg ko bi ih pobrojao
boje zastava mijenjaju se kao šuma
na vidiku od nježne ptičije preko zelene i crvene do zimske sasvim crne
tako uvečer oslobođen od činjenica mogu da razmislim
o stvarima davnim dalekim
naprimjer o našim saveznicima preko mora
znam iskreno sa nama saosjećaju
šalju brašno
vreće ohrabrenja
mast
i dobre savjete
čak i ne znaju da su nas njihovi očevi izdali
bili su naši saveznici u doba prve Apokalipse

sinovi nisu krivi
zaslužuju zahvalnost
pa smo i zahvalni
nisu doživjeli opsadu dugu kao vječnost
oni koje je pogodila nesreća
uvijek su usamljeni branioci Dalaj-Lame Kurdi afganistanski gorštaci

sad kad pišem ove riječi
pristalice smirenja stekle su izvjesnu prevagu nad strankom nepokolebljivih
obično kolebanje raspoloženja
sudbina se još koleba
groblja rastu
smanjuje se broj branilaca
ali odbrana traje i trajat će do kraja
i ako Grad padne a preostane jedan
on će nositi Grad u sebi putevima izgnanstva
on će biti Grad
gledamo u lice gladi u lice vatri u lice smrti
najgore je od svih – lice izdaje
još samo su naši snovi ostali neponiženi